

KED Renungan

DOA PENUTUP:

Jemput seorang ahli KED yang lain untuk memimpin doa penutup.

LAGU PENUTUP:



Doa St Fransiskus

(Prayer of St Francis)

Tuhan jadikanlah daku
Alat di dalam karya damai-Mu
Di mana terdapat kebencian
Biar cinta ku taburkan

**# Tuhan supaya daku mencari
Lebih menghibur daripada dihibur
Lebih mencinta dari dicinta
Lebih mengerti dari dimengerti**

Tuhan jadikanlah daku
Alt di dalam karja damai-Mu
Di mana terdapat penghinaan
Biar ampun ku tunjukkan (#)

Tuhan jadikanlah daku
Alat di dalam karja damai-Mu
Di mana terdapat keraguan
Biar iman ku sampaikan (#)

HARAPAN:

MENYEBERANGI SEMPADAN DAN BERJALAN DIDALAM KRISTUS

FOKUS: DIRI SENDIRI ACARA: SINOD UNTUK BELIA

PENGENALAN:

Paus Fransiskus telah menetapkan Sidang Umum ke-15 Sinod Para Uskup untuk memberi tumpuan kepada tema "Orang Muda, Iman, dan Pemahaman Panggilan." Ia akan diadakan di Roma pada bulan Oktober 2018. Dokumen Persediaan menerangkan tujuan Sidang Umum sebagai peluang bagi Gereja "untuk

meneliti diri bagaimana gereja dapat memimpin orang muda mengenali dan menerima panggilan untuk kepenuhan hidup dan cinta kasih, dan meminta anak-anak muda supaya membantunya mengenali cara yang paling berkesan untuk mewartakan Berita Baik hari ini. "



DOA PEMBUKAAN:

Menjemput seorang ahli KED untuk mengucapkan Doa Pembukaan.

LAGU PEMBUKAAN:

Ajaib Tuhan

(How Great Thou Art)

1. Hairan sungguh, bila ku renungkan
Rencana dan segenap ciptaan-Mu
Ajaiblah, segala ciptaan-Nya
Tanda kebesaran-Nya di dunia

**Aku memuji kebesaran-Mu
Ajaib Tuhan, Ajaib Tuhan
Aku memuji kebesaran-Mu
Ajaib Tuhan, Ajaib Tuhan**

2. Dunia ini, dan semua susunannya
Bulan bintang semuanya indah
Penduduknya,
wujud berbagai bangsa
Semua dikasihioleh-Nya (#)

DIALOG:

Dalam Bahagian 3 dokumen persediaan untuk Sinod Para Uskup, beberapa perkara penting mengenai bagaimana komuniti Kristian boleh berjalan dengan orang-orang muda hari ini telah diterangkan. Kita akan mengkaji tiga isi penting untuk refleksi hari ini.

1. Berjalan dengan orang-orang muda

Membina hubungan dengan orang muda memerlukan cara pemikiran yang berlainan daripada struktur pemikiran sedia ada. Hubungan dengan mereka mestilah melihat kepada dimana mereka berada dan menyesuaikan dengan rentak kehidupan mereka serta mendengar mereka dengan serius. Perkara ini perlu dilakukan kerana mereka sedang berusaha memahami realiti kehidupan dan cuba mencipta sejarah peribadi dalam mencari makna kehidupan mereka. Dalam dokumen tersebut menyatakan, "setiap komuniti perlu memberi kepentingan kepada cara kreatif untuk menangani golongan muda secara peribadi dan menyokong perkembangan peribadi." Ini adalah mengenai "keluar, melihat, dan dipanggil. Ini mengenai dimana mereka berada, menghabiskan masa dengan mereka, belajar tentang mereka dan memanggil mereka seperti yang dilakukan oleh Yesus."

2. Menerima orang muda sebagai ejen

Dalam mana-mana aktiviti pastoral, golongan muda bukanlah objek tetapi ejen. Sering kali, masyarakat cenderung melihat golongan muda sebagai "tidak penting atau menyusahkan". Gereja tidak boleh menunjukkan sikap sedemikian, kerana semua orang muda, tanpa pengecualian, mempunyai hak untuk dibimbing dalam perjalanan hidup. "Dokumen menyatakan," komuniti harus memperhatikan anak-anak muda, terutama mereka yang mengalami kesulitan tertentu. Seluruh Gereja bertanggungjawab untuk mendidik dan membimbing golongan muda".

3. Seluruh komuniti harus bertanggungjawab kepada orang muda

Keseluruhan komuniti Kristian mesti merasakan tanggungjawab untuk mendidik anak muda. Malah, mereka yang terlibat dalam kerja ini sepatutnya diberi pengiktirafan, bermula dengan orang-orang yang telah mengambil tanggungjawab ini dalam Gereja. Usaha mereka yang bersaksi Injil dan berkongsi kegembiraan yang mengalir daripadanya harus dikagumi. Di samping itu, Gereja perlu memberi perhatian kepada penglibatan anak muda dalam masyarakat keuskupan dan paroki, bermula dengan majlis-majlis pastoral, menjemput orang muda membuat sumbangan kreatif mereka dan menerima idea mereka, walaupun ini akan mencabar kita.

Berkongsi dengan orang di sebelah anda. Berkongsi untuk kali kedua dengan orang lain di sebelah anda

- Apakah yang dimaksudkan komuniti Kristian harus "keluar, mencari dan memanggil" orang-orang muda?
- Pada pendapat anda, bagaimana orang muda di paroki atau KED dilihat oleh para penatua atau anggota yang lebih tua?
- Adakah golongan muda di paroki atau KED dijemput menyumbang idea mereka? Jika mereka berbuat demikian, adakah pandangan dan idea mereka diterima?

(Sila baca dokumen penuh melalui : http://www.vatican.va/roman_curia/synod/documents/rc_synod_doc_20170113_documento-preparatorio-xv_en.html)

PENDALAMAN:

Lukas 24, 30-33

Waktu Ia duduk makan dengan mereka, Ia mengambil roti, mengucap berkat, lalu memecah-mecahkannya dan memberikannya kepada mereka. Ketika itu terbukalah mata mereka dan merekapun mengenal Dia, tetapi Ia lenyap dari tengah-tengah mereka. Kata mereka seorang kepada yang lain: "Bukankah hati kita berkobar-kobar, ketika Ia berbicara dengan kita di tengah jalan dan ketika Ia menerangkan Kitab Suci kepada kita?" Lalu bangunlah mereka dan terus kembali ke Yerusalem.

Renungan:

- Baca petikan tersebut sekali lagi dan hening seketika untuk mendengar bisikan Tuhan di dalam hati kita.
- Kongsikan sebarang perkataan atau ayat yang menyentuh hati kita.

Lindakan:

Secara umum, adakah orang muda mengambil bahagian dalam perjumpaan KED anda? Jika ya, mengapa? Jika tidak, mengapa tidak? Bagaimanakah, kita, sebagai anggota dewasa KED, menunjukkan tanggungjawab dan sokongan kita kepada golongan muda di KED / paroki / komuniti kita walaupun mereka tidak terlibat secara aktif dalam perjumpaan KED kita?